




率
大



知命





恩綸

天恩存問

予告內宏文院大學士太子太


保呂宮


敕書



正口命


皇帝勅曰朕維國家簡輔弼之臣
資其匡勳宜加恩禮卽或抱
疴歸里瞻念才能每懷寤寐
亦豈忍漠然置之太子太保
原任內翰林宏文院大學士






呂宮爾學術雅醕性資通朗
既魁多士旋登禁林受朕深
知早參大政而能不阿不激
小心匡贊一載綸扉多所裨
益不意二豎偶嬰藥餌未效



因准暫還用便調攝今間濶
年餘彌深軫念特遣副理事
官王應聘御前近侍劉有恒
齎敕存問賜羊酒卿其慎起
居親良餌副朕至意爲國愛




身佇需召用欽哉故諭

順治十三年六月十六日









贈承德郎內翰林秘書院修
撰加一級呂程雲暨安人
諸氏
勅命
奉


天承運

皇帝制曰資父事君臣子篤匪躬
之誼作忠以孝國家宏錫類
之恩爾程雲乃內翰林秘書
院修撰加一級呂宮之父善





積于身祥開厥後教子著義
方之訓傳家裕堂構之遺茲
以覃恩贈爾爲承德郎內翰
林秘書院脩撰加一級錫之
勅命於戲殊榮必逮于所親



寵命用光夫有子承茲優渥

永茂忠勤

制曰奉職在公嘉教勞之有自

推恩將母宜錫典之攸隆爾

內翰林秘書院修撰加一級

呂宮母諸氏壺範宜家夙協
承筐之美母儀詒穀載昭畫
荻之芳茲以覃恩贈爾爲安
人於戲彰淑德于不瑕式榮
象服膺寵命之有赫永賁泉


爐

勅

順治八年八月二十一日

之寶

昌宮母贈此宜輝宜



生口命


授承德郎內翰林秘書院修

撰加一級呂宮暨安人朱

氏

勅命

奉





天承運

皇帝制曰錫類推恩朝廷之大典
分猷亮采臣子之常經爾內
翰林秘書院修撰加一級呂
宮品行端凝文思淵博初居

詞苑奉職罔愆慶典欣逢新
綸宜賁茲以覃恩授爾爲承
德郎錫之勅命於戲宏敷章
服之榮用勵靖共之誼欽茲
寵命懋乃嘉猷


二任今職

制日恪共奉職良臣既殫厥心

貞順宜家淑女爰從其貴爾

內翰林秘書院脩撰加一級

呂宮妻朱氏含章協德令儀



夙著于閨闈，黽同心內治。
相成于夙夜，茲以覃恩封爾。
爲安人於戲，龍章載煥用褒。
敬戒之勤翟，弗欽承益勵柔。
嘉之則


勅

命

順治八年八月二十一日

之

寶



士歸呂
蒼忱公傳

公諱宮字長音號蒼忱一號金門先世由河

南數遷至宜興又徙郡城爲常州府武進縣

人考諱程雲太夫人諸氏公生四歲而孤穎

異過于常人大父遂南公愛之親爲授書習

句讀輒有神悟八歲能屬文十二歲成西漢

論七篇爲前輩名流所推服太夫人尤嚴篤

之雖才望冠時而守身如玉年二十七補博

士弟子癸酉雋于鄉主司評其試墨云一縱

一橫論者莫當得眉山之神理順治四年丁

亥我

朝定鼎開科公以第一人魁天下授內翰林秘

書院修撰出入侍從


恩寵有加壬辰分校春闈有得士之譽是歲遷右中

允癸巳歲

世祖章皇帝親試館員公條對稱

旨

上謂呂宮文章簡明氣度嫻雅特進秘書院學士故



事翰林官論資俸陞轉不次超遷實自公始
也由學士晉吏部侍郎遂正撥席計去
廷對時纔七年耳而由春坊至入閣皆在一年
中實古今未有之異數也當是時

章皇帝以天授神聖肇造丕基一時左右輔弼之臣
類皆名世英賢文經武緯預叅制作之謨使
公非有大過人之才畧足以黼黻鴻猷安能

上邀

渥眷與從龍諸彥頡頏禁近共圖天下事哉今觀開

國規模宏遠崇大奕世而下想見政府得人
東坡有云唐之房杜傳無可書之事而天下
賢之者不其然歟公感

知遇非常知無不言尤以明季彫殘之後民氣未蘇
如江南僉點運戶報克織戶均爲奏罷皆以
子惠元元爲

國家培養元氣顧未及二稔遽以積勞成疾自
甲午六月至乙未正月五疏乞休俱蒙

溫旨慰留最後始邀

俞允

特晉太子太保

賜醫藥馳驛還鄉甫一年

帝念公不置遣侍衛內官劉有恒賚


敕存問云卿受朕深知早叅大政而能不阿不激小

心匡贊一載綸扉多所裨益迄今間濶年餘

彌深軫念卿其慎起居爲國愛身佇需召用

一
恭繹

綸音惓惓於去位之後者如此其至益見贊化調元



之日

一德交孚

明良相遇之隆爲千古所罕覩也家居後杜門課子

勉以忠孝大節其庭訓云余生平從未曉干


求二字汝輩自揣無必得之技不必亟亟赴

試人重科名非科名重人也

世祖升遐公力疾赴京扈送

山陵攀號哀慟嘔血數升辭

闕南還觸暑增劇彌留越歲以甲辰四月十八




日終于里第享年六十有二公配一品夫人
朱氏子六人五曰方昭余女夫也既與公爲
婚姻又辱同譜其在

朝也步武後塵及歸林下里居非遠復時相過
從知公特詳顧公之勛業在國史其世系行
實在碑誌何容復贅特以余所心儀而弗釋
者撰次爲傳以貽公之子勒諸家乘所著有
賜錦堂集歷朝編年金鏡錄五經辨訛羣書
通解等百餘卷藏于家

賜進士及第內翰林院侍讀提督順天學政年眷

姻弟金沙蔣超拜撰



實其軒騎歸國奉封贊得以余世心繪而更釋

發映公耕籍屬公之順業亦因安其其深行

時出亦允封聖文翰林下早廷我舉資湖林嚴

散職又尋同歸其亦

未及于六人五日衣部余丈夫出題與公為

日孫王... 歲年六十... 公... 夫人

俊文翁行畧

以仁翁字俊文公輔公七子翁其長也少負氣節卓落寡營善辨說有幹濟才鄉黨宗族中疑議者翁片言卽決無滯碍排解一切紛爭患難是非事如同素悉人咸敬畏之翁不省讀書每當會心處憶度輒中卽優於文理者不能投隻字性復豪於飲當其舉杯酣暢縱談得失是非當否歷歷不爽慷慨滿志旁若無人聞者爲之色動其襟懷之超拔殆有以過人者乾隆甲辰議欲重修族譜宗人

咸難之誼翁翁慨然曰此係公舉誰則違者吾當
身任之于是徧告族人諭以大義衆僉然之既竟
族長天瑞翁佳翁之行誼梗直也臨事之踴躍也
且曰怨勞之不恤其何以勸因命壻誌之壻雖不
能於翁之襟懷幹濟繪寫生全敢不畧抒梗概以
佐激節之一則云

乾隆歲次甲辰臘月一日

姪壻沐手謹述

瑞貞公傳

予周歷名山大川神臯奧區所至皆有記或詩或賦或文不等又喜接瑰偉絕特通經嗜古與忠信樸誠敦飭倫紀之士所遇皆有贈言邇者萬里來歸偃卧東山之臯方將以是老矣丁丑冬呂子咸亨詣予而請曰吾族宗譜每三十年一修今適當其期董其事者族長景山翁板將成矣吾祖瑞貞公秉性孝友知之悉者莫若先生今奉家嚴命乞一言以開示子孫咸亨固受經於余者義不容辭

又表揚善類余性所雅好歷遊且然何況本邑余
仰維公之淑德懃行指不勝屈卽其家庭骨肉間
已畧見一斑矣公生順治初遭遇非時寇盜充斥
家貲苦不甚饒幼讀書長棄去力畊養親鷄初鳴
起蚤肅衣冠問安寢所答曰安則退絜修髓隨親
所欲每進食必侍親側親加餐則喜否則有憂色
父先逝葬祭成禮母病臥數載朝夕跪進飲食無
倦容嘗謂人曰古人云椎牛祭墓不如雞黍之逮
親存但得雙親壽考長娛膝下雖塗體沾足所不

辭也。昆弟四人，公居叔，雖異室而居，有事必及伯仲。與季謀之，然後施行。伯曾爲盜，所誣仲亦蹇遭命。案公破產，救援盜服，其義吐情，實伯得免，而仲之事亦以公之激切陳詞也。當事者鑒仲之株連，被逮沉寃，得雪。仲伯亡撫姪如已子爲之經紀，其家比長，然後授之。嗚呼！人情似紙，彼視兄弟如路人，有事不一引手救。如公者可多得乎哉！至若鄉鄙州閭，貧則拯之以財，急則扶之以力，嘗路遇遺金者，其人痛哭求自盡，公詢其故，徐慰之曰：毋然。

問所遺數解囊與之然家道日益豐始有少有富
有以漸而進天之報施善人固不爽也年既暮邑
侯稔知其賢將授農官以老辭使者再三至堅謝
不受壽登七十有七長君彥英次君彥明更能光
大其業諸孫如咸亨靜山輩並讀書能文則余歷
遊所遇所稱忠信樸誠敦飭倫紀之士如公者蓋
亦予所樂爲揚詡者也爰濡筆而爲之述其梗概
如此

像贊

烝烝色養有婉其容戚戚兄弟形分氣同饁畊
相敬冀缺高風如飲醕酒愧不爾逢四時變易
難狀此翁由是言之丹青雖妙畫工未工

述懷詩引

公值國朝受命之初人心未集海內紛擾罷
舉業躬耕養親不辭况瘁邑宰稔知其賢雍

正丁未


朝廷特設農官邑侯強公爲之將上其名於當事
具疏奉聞公堅辭不受有述懷詩曰晨興侍

膳具衣冠鋤雨犁雲意所歡呼我老農君莫笑

不須此外更添官

乾隆歲次丁丑嘉平月

年家眷弟孫挺頓首拜撰



公勤... 困... 受命... 文... 際人... 心未... 乘... 內... 世... 對... 語

... 賦... 對... 荷... 反... 應... 精... 以... 誠... 致... 物... 論... 聖... 之... 士... 如... 公... 之... 言

... 鑽... 州... 北... 途... 由... 甚... 言... 文... 長... 青... 蠅... 仗... 衡... 工... 未... 工... 之... 言

... 琳... 懋... 冀... 封... 高... 風... 收... 始... 謂... 醉... 劇... 不... 爾... 致... 四... 部... 變... 甚

... 然... 然... 色... 養... 亦... 效... 其... 容... 颯... 颯... 只... 策... 研... 伏... 孫... 同... 謝... 物

王孺人傳

孺人湯巷君所王公次女瑞貞公淑配也始歸呂門未及事翁爰事姑益謹迄姑壽終惟夫命是聽夫有振貧恤孤志孺人靡不逆意勸承所以一時宗族鄉黨咸嘖嘖稱孺人德性之過人遠也迨所天逝後勤儉彌甚不以齒臨毫耄而惰我紡績蠶桑不以業倖充盈而藐茲布帛菽粟古所云才德兼優誰踰孺人者宜其玉樹爭英而蘭孫濟美也與

兼對指觀爵人答宜其江樹年英而

榮不以業幹末盛而冀章亦昂葛粟古

天遊鈴隨劍觀甚不以許嗣季壹而


宗效凝黨夙觀觀爵人爵封文徽人

夫休避貧鮮庶法誦人與不盤意轉承

門宋及事餘幾事故益對遂敬壽絲

爵人斯芬深祖王公大夫微貞公

王爵人



彥英公傳

彥英公傳

彥英公傳

公諱應韶字彥英國學生瑞貞公生二子公其長也生平醇謹誠慤視世俗一切嗜好泊然無所營瑞貞公謝世遺業僅中人產公慨然曰儒者以治生爲急我未能竟學而欲令子孫枵腹談詩書非燕詒術也乃躬自節嗇偕德配范孺人晨夕督家政農桑畜牧鉅細悉井井有條理不十載業大饒因出餘資擴田園凡所契券率稱其直且展焉曰若本以急售脫乘其急要之後必有倍乘吾急者

吾深惡寧我薄人之說不足保家也公以勤樸起家而持論若此人咸嘆其卓識足砭末俗云與人交訥訥然似不能言及久與遊處藹如日坐芝蘭室中佳客至設酒肴不過兼味飲隨其酒戶勿使濫談笑從容賓主且陶然適也丈夫子三長靜山次荆南覲韓胥俊才公自念身列北雍未獲膺一命榮以光照先烈遂刻意課子歲延名師敬且忠最後遣幼子負笈東南遊意尤懇三子者縱不克蜚英仕路慰公期望雅懷而靜山以能文稱荆南

以才幹稱覲韓早亡亦以文聲著國學殆足徵燕
詒之善矣非公一生之醅謹誠慤曷以裕此甲辰
冬其族新修譜牒公之孫培以行畧請傳爲撮梗
概著之篇公生於康熙丁丑卒於乾隆丙申壽七
十有九子三人名詳傳中孫八人皆讀書類能繼
公緒云

乾隆歲次甲辰仲冬

歲進士候選儒學訓導

周袞撰

效雖士對懸壽學臨華

并劉效突甲氣外矣

公麻注客不設括者不


上亦大石五人亦指醉中

謝恭文謙公止飲烈烈下

全其煎煉參歸製全文

編之善矣非全一文之

以木梓蘇體轉早白亦以



耐菴公誌

耐菴公諱燦字彥明瑞貞公子也行居次少入太
學屢躋南闈未嘗以不遇衰其志公性淳雅
諒直事親孝待兄敬性固然也淑配陳孺人有
孟光風範足式鄉閭治家以和以正長幼咸敦
退讓雍雍穆穆內外整肅有丈夫子二有出類
孫四曾孫輩俱英英不羣早見頭角非公之質
直性成曷由致此至若集親串拉友朋不濃不
淡亦以已意會真率歲甲辰夏四月初九命童

婢扶浴呼兒孫輩立旁安坐而逝壽登八十有

五

乾隆歲次甲辰臘月之吉奉早良辰非公之賢

張新聚聚姪姪內代整姻再姪徐名駒謹跋


孟光風簫吳大德開宗案以味以五具歐與

高直事臨卷卷足楚掛固然出賦頭刺識人亦

學風則南園未嘗以不顯交其志公掛高

公精熟字卷則無負公千世符錄定也人大

公精熟字



咸亨公誌

咸亨公諱逢源行一遊國庠好學有大志肄舉業
不衰且有才理事若蝟毛胞弟貽訓年最幼相
去二十有二更體怯多疾凡遇艱苦事公必心
討手畫引爲已任閭黨中以愛交推之公曰吾
非愛弟也吾親生弟最晚不堪勞噫此正公之
所以善體親志也恒居課子喜道王沂公志不
在溫飽語而諸郎君克遵公意不愧士林誠足
爲公慶也故誌之享年六十有二而卒

皆維

乾隆四十九年甲辰冬十二月



親以善歸歸志忠孝姻再姪徐名駒謹識

我愛後必吾膝坐策景烈不群後知洲五公之

情手畫得念日丑聞黨中以愛交耕文公曰吾

去二十有二更歸封冬幾八縣幾苦事公心小

不寡且休太照事策馳手臥泉卻臨爭景此味

鳳亭公編錄縣外一燕園筆我學林大志鞅舉愛

鳳亭公編

靜山呂君傳

靜山呂君傳

呂君靜山諱素芳彥英公長子母范孺人君事親以孝謹稱視兩弟尤友愛無間性沉靜處稠衆中常默然不出一語偶有建白輒中理解尊宿胥首肯焉彥英翁固以克家許之其居家整以暇事勿論鉅細經君擘畫多細意熨平衣無鮮華食不兼味而遇鄉里徭役及親串緩急事有以義勸者君欣然應之無倦容彥英翁素篤於課子君體父志從邑名宿遊涉獵兩朝大家文揣摩成熟識者胥


目爲穿楊技顧厄于小試年四十許家政環集待
理如蝟毛而君且挾管城子數事肩暑放舟或披
霜撥棹往返蓉江三百餘里意氣不少衰客有憑
患之者曰以子之才束裝遊京師隸國學功名
直唾手就何自苦爲君笑謝曰某樂此不爲疲也
後益迫于冗務始絕意進取而急延名師課諸郎
君且誠曰讀書非止獵科名人生品行賴是品行
不立科名徒增愧耳諸子遵君教咸恂恂雅自整
飭聞者尤嘆爲名論云乾隆丙申歲以末疾棄世


年五十六配吳孺人有淑德後君二年卒丈夫子
三長基次培次增孫三人未名

皆維

乾隆歲次甲辰季冬

歲進士候選儒學訓導周袞撰





愚之者曰以予之才東裝遊

直唾手就 蕪蕪士剡巽論學時尊風乘興

萍劉蕪大甲氣香冬

君且 皆辭

三建基穴部大世爾三人宋客

弟五十六酒吳識人休職游終昔二平來友夫千

觀韓公繼配節孝徐孺人傳

不四半而大

姑孺人吾宗州司馬聖揆公三女也幼慈慧善體父母意恪承姆教貞淑性成適國學觀韓呂君四年觀韓君卒孺人敬事翁姑以婦兼子職盡心備物周旋無間翁姑尤憐惜之孺人生子振渭係比隣路零亭伯孫壻嘗往來余家先大夫歸省親一見器重余乃交振渭得悉孺人之節孝當觀韓君易簀時孺人年甫二十有七一慟幾絕矢志靡慝振渭年甫一週孺人恐其不能成立事必種德存厚凡宗黨親族貧乏

者無不解推見妯娌子姪之多也則針黹勤丙夜思
姊妹居室之艱也則聚處課紡績憐老母之寡居則
酒食不敢缺於供傷孤孩之單弱則督責維恐失于
教豈非孝慈誠篤操作勤劬出于天性而然哉歲乙
未孺人翁彥英疾篤因孺人善侍養遂就孺人分宅
進膳視藥無方翁得快然終焉翁旣沒孺人哀毀骨
立謂振渭曰爾父死而吾不以身殉者以翁老子弱
也今爾將成人吾更何羨人世哉悲號不已遂成痞
疾疾甚篤告伯氏咸亨曰自氏爲婦不四年而夫亡

十餘年而翁又亡命薄至此誠生不如死矣顧孤兒
未娶責未塞也苟得親見子媳廟見死無遺憾咸亨
爲求之路氏路感其誠遂令孫女于歸姑欣然扶病
起越三日率婦肅廟曰吾事畢矣即日怡然而逝時
年四十有三姑苦節純孝當大昌其宗今身沒未及
五年舉佳孫二人振渭英英克世其家足徵其遺蔭
也振渭思次其行實爲請

旌於

朝又值修纂家乘屬傳於余余不敢以不文辭據其

畧而傳之

丁酉科舉人

教授文林郎揀選知縣宗姪光

年頓首拜撰

實錄

之

年

頓首拜撰

正平舉封燕二人冠服英英京世其家以婦其族


孫四十五而三故苦輪餘奉當大昌其宗令良與未

族族三日卒敬肅曰吾事畢矣明日命然而張

益來之親及親然其歸教命親也于禮故然然其

宋嬰責未塞也吾孫歸其于無與是無與謝其

十猶半而餘矣古命斯臣此歸坐不取不矣爾



賈集貽訓公序

賈集

賈集

賈集

賈集

吾邑東南山水絕佳靈氣鬱結名門巨族偉傑挺
生而其敦倫紀篤忠信懇然以樸誠自矢者類推
不朽歲甲辰館於郡城甥壻學至詣塾視余道及
宗譜重修字板幾竣胞叔貽訓公性孝友年四十
一而故囑一言以爲導余思姻戚至重義難辭爰
實進云呂親臺諱逢浩太親耐菴公次子咸亨親
臺之胞弟幼讀書穎敏比長能文列名國學因體
弱廢舉業居恒寬閒自適寡笑與言廣稠中不稍


露聲色入隱几榻出步林園養身養德悠然具足
性固孝母陳太孺人逝塋祭成禮後隨兄瞻仰椿
庭數十年視膳無間其持躬儉約理家和正內外
雍穆于倫紀帖然至若鄉閭內有難則欲排遇紛
則欲解交人善取物義重然諾愛施與不羨富貴
親不傲卑貧友肫肫乎和煦時流稜角氣象殆盡
此忠信之所由以篤也乃伯氏亡不逾年驟以疾
終合嗣鶴年年甫及五其狀貌瑰偉已嶄見頭角
更藉家規良美令姪行二作霖三之良與余甥婿

學至俱登大雅堂視翁子如胞將來玉成有日繼
繩昌熾可預必而定之者噫夫予言曷以能悉哉
卽此樸誠素著以質宗族而共推於不朽

皆維

乾隆歲次甲辰臘月之吉

年姻家眷弟余傳頓首拜撰



平賦宋魯後金新自首其賦

平劉煮衣甲氣瀨日之吉

昔琳

明此魁覽泰蓉以夏宗煎而其非效不殊

臨昌無區財必而致之答勉夫字育長以謂燕

學正身登大蘇坐師錄于敬與釋來正與育日琳

路孺人六十壽言

每歲觀年食類宗等當集

余同懷兄弟六人姊氏屬伯長越四歲余生先人於
諸穉慈愛特甚甫齒寘予膝授經姊手紐鍼側耳聽
之輒能記昕夕聚語便舉大意時家窶寒兩先人黽
勉支撐饑與凍姊氏輒能愁思代爲補苴至花晨月
夕爲童嬉戲則又忘天地之寬身世之慙意甚得也
年十九于歸呂成禮三日嚴姑見背姊素明書史習
聞教言動於禮法乃所處謠俗特異他里聞姊夫旣
幼孤積約更肆訶侮姊苦心練思籌禦提諸息以養

以教終以獲濟然而心力亦既瘁且殫矣乙丑春痛恤緯內外事一身肩之迺如遭如又十五六年蓋不逞者之馮陵無虛日也乃五甥次第授室長籍郡庠屢試高等次皆服疇力穡明作晦休自食其力五婦鴈行執盥視饋小不如禮觸愠怒輒長跪涕洟請改既改仍薰然太和孫三人長者爲談說經義幼者口授之無朝夜以娛肅肅如也雍雍如也蓋嘗謂門以外督亂侵尋莫姊氏若而門內之治亦姊氏爲最也邇年來吾家婚嫁頻頻每迎歸奉爲禮宗幸常聚語

身世浮沉上念兩先人劬勞畢世不獲延年願養則
悄然以悲下論諸兄弟服食舊德克長子孫則憮然
以感至於人情險詖狗利鮮耻身嬰受其酷不能不
鬱勃憤發繼又閱親隣族黨或炎而滅或隆而絕或
困約而終興則又嘆人事之有常而天道之無不信
也更悟一切空幻與有生尋逐俱無足寘論則又陶
然于天地之寬身世之蹙如童嬉時而惟相見則喜
相別則悲而已矣今年周甲稱慶諸甥乞予言以侑
觴前五十之壽余在京師而仲弟爲文以祝之今園


居得登堂安得無言而何言哉孔懷之戚俱以白首
 惟數姊氏生平所歷至切至真則所以貞壽於百年
 者在斯即壽於百年而常如一日亦在斯也姊聞斯
 言當亦欣然以進一觴

昔維

嘉慶歲次己卯季秋之吉

歲進士候選儒學訓導同懷弟同申拜手謹序

辭然以悲不歸請只余照會書齋京具千絲頃無然
 良世彩流土念爾決人始幾畢掛不幾恐平願養



帝簡公傳

人之恒情處富易處貧難而先富後貧者尤難呂氏帝簡公望甫公之次子家故饒裕已而貲產蕩費困頓無聊殊不以介意澹泊自守若將終身焉其襟懷之超曠殆有異於恒人者然當其時羣聚而非且笑之夫善治生者勤四體力農桑徒手起家創業貽後者上也否則承先人遺緒安靜無爲不失舊物者次也不若是非所謂克家之子矣夫人情方樂富而苦貧而我乃棄

其所甚樂而趨其所甚苦猶之持方柄欲納圓
鑿宜其格格而不相入也然公之襟懷超曠苟
不綜其始終而論之則固恒情之所未易窺測
矣先是常郡蒼忱公者炫赫一時與公有舊而
公方在隱約窮窘之中傲然無干謁意遂往金
陵爲訓蒙師卽所售之產人或賚銀求絕必堅
拒而後受彼以貧窶動心而役役於利者相懸
不旣霄壤耶公三子長早卒其教二子甚嚴雖
微過不稍貸未幾皆成立家業漸豐吾於公之

不隕穫於貧時又知其不充誦於既富也抑又
聞公年少時輕財尙義濟困賑貧以故日就衰
落亦傳其有博戲馳逐之累不免白壁微瑕然
狐裘而羔袖其生平大畧則過人遠矣

邑人吳俊華拜撰




不... 矣... 公... 無... 善... 開... 不...

徐孺人傳

孺人泚溪徐氏生有淑質貞靜殊常適呂公帝簡
舅姑早逝孺人惟公之命是從其時家業盡隳長
子被責而交謫之聲無聞處親戚族黨文而有禮
御衆嚴而有恩人咸肅然敬之公往金陵孺人居
母家十數載茹茶飲泣終無怨言公因窘急欲售
祖基孺人泣諫涕泗交流公遂中止厥後還自金
陵家漸克裕絕口不談曩日事夫家之寢昌寢熾
皆由創業之初培植基本豈惟正位乎外獲忠厚

之報蓋亦有內德之助焉若孺人之氣度幽閒質
 性和厚固非一二世之遺澤已也迄今子姓蕃衍
 皆醕謹端慤克稱負荷駸駸乎方興未艾其可量
 也哉十嫂薄蕪茶煇並無惡言公因眷急煇
 時衆艱而百恩人貳肅然邑人吳俊華拜撰人
 于婚責而交誼之聲無間淑縣淑黨文而詩
 員故早遊蘇人掛公之命景節其湖宋業盡
 蘇人邦第翁丑坐百端賈貞精經常蘇呂公帝

翁蘇人壽



君銘公傳

天可必乎則賢者必當富貴顯榮且享安樂壽考而昔者聖人之門如季次原憲終身空室蓬戶顏氏之子簞瓢屢空而卒早夭抑又何也君明呂公諱太受帝簡公長子也幼時家業漸替已艱苦備嘗既冠後空糧爲累公獨代父任其責屢被杖無怨色年二十三未娶而卒猶依依以父母二弟爲念蓋其孝友出於天性然也嗟乎如公者縱不能富貴顯榮爲宗族交遊光寵顧又享年不永賚志

以終天之報施何夢夢耶雖然自古以來若此者亦多矣何莫非命順受其正於彼蒼乎何尤公卒後帝簡公遺命以季弟中立之子其位為公嗣

邑人吳俊華拜撰

吳俊華拜撰

君聖公傳

公諱大成字君聖帝簡公之子也昆季三人公爲其次居於邑之東南少時先業中落公謹身節用經營數十年遂復振弟之子茂法茂濬爲嗣因錄其生平軼事以請於余余因得聞其畧焉公之事親色養備至雖處困約而甘旨是供人以此稱其孝也昆弟間情好甚篤門庭之內終無間言凡艱鉅之事常獨任之人以此稱其友也其臨財非義不妄取或有緩急輒捐貲相濟無吝色人以此稱

其廉且義也於交遊推誠相與偶有一諾歷久不移人以此稱其信也孝友施於家庭則其本立信義行于宗黨則其效彰可聽其沒沒不聞于後乎夫論譏其先祖之美德以垂不朽子若孫之賢也余聞其言嘉其意而語之曰平陂往復天之道也亨屯傾否人之事也故民生在勤而天眷在德呂氏之興有以也夫余嘗覽其家乘自泰然公而上世爲望族代有偉人其源流皆可考迨忠言公以下雖隱不仕而家故饒益其後中衰賴公復振然

公之生平行事若此爲善必蒙其福豈止於此而已乎兄弟之子猶子也天之所以報公者將於是在故爲之紀其大畧以貽其後俾無忽忘焉

廩膳生吳俊華拜撰



Faint vertical text columns, likely bleed-through from the reverse side of the page. The characters are difficult to decipher due to fading and ghosting.

中立公傳

實錄新刊錄之補卷第幾美而益遠


惟呂氏世有隱德其居陽羨而支分于雙廟者歷數世而爲君聖公余既聞而紀其事矣其季諱大本字中立中立公有子六人曰茂澍茂純茂滋茂灤茂溪茂淵皆克紹箕裘世濟其美能稱述其先人之賢故余之所聞于中立公者特詳公君聖公之季弟也人雖同體志事或殊而公之昆季獨氣類相合故其性情心術與其生平行事亦大畧相等孝于親和於族則天倫之悖

敘同勤於職儉於家則處已之模範又同臨財
廉取與義交遊信則應事接物之規畫又同顧
其年有長少則時有先後而境亦有順逆一則
任其勞一則處其逸一則創其始一則成其終
惟此爲較異耳方君聖公之初家業稍微其經
營措置良亦不易故曰任其勞逮中立公之長
已裕於財家業粗成則事易就緒故曰處其逸
任其勞則事主于創處其逸則事主於因兩者
時異勢殊而實相濟有爲之前者故美而益彰

有爲之後者故盛而不竭然公不以所處之逸
而敢忘其勞亦不以已成之功而稍怠於其始
此其所以賢也謙以居心虛以應物未嘗或涉
於驕務本以殖財節用以裕後未嘗或流於侈
聞公幼時謨猷籌畫突過成人與兩兄併力同
心以恢先業至其貽謀之遠惟以孝友爲先忠
信爲本而又延師講授俾明禮義之原獲詩書
之益蓋有前人之所未及爲者斯殆以勤而居
逸以守而兼創者乎余故因茂澍兄弟之請而

論述之如此

廩膳生吳俊華拜撰



Faint bleed-through text from the reverse side of the page, including characters like '論述之如此', '廩膳生吳俊華拜撰', and other vertical columns of text.

徐孺人傳

徐孺人趙庄徐君化之長女也生而明慧長而勤慎適呂公中立佐其夫以克家上事舅姑小心盡禮奉養無違接妯娌和而善下數十年如一日夫君早背遺孤六人曰岐渭淇棗襄遠觀濤次雲沛霖二子稍長餘四子皆幼撫訓成立俾克婚娶家業較夫君存日漸以充裕田產室廬恢廓幾倍厥後諸子析箸孺人邀請公親六分均分另存公產仍命岐渭淇棗總理以爲祭塋公費長慮遠顧不

異哲人之所爲迄今岐渭諸昆弟遵守遺命克勤克慎孝友彌篤長幼有倫人無間言者皆孺人之訓也孟仲二房無嗣孺人以所生三子出嗣之臨終之候猶諄諄以兩房祚胤爲念其明於大義如此孺人歿後各房子息蕃衍家道日昌固岐渭諸昆仲孝友之積而實孺人有以啟之也是爲傳大

乾隆歲次癸酉臘月八日

蓮溪許祖燿拜撰

岐渭公訓家傳後畧

卷之二

一

岐渭公

呂生次云輩來乞譜序於余併囑爲生大兄岐翁作傳余曰汝兄盛德亦素知之特未得其詳也生因爲之言曰吾輩於今得此皆賴大兄扶持成立之效也且譜以示後及今不紀吾兄之素更數十年後安保有能知吾兄之細而爲之叙述者乎敢述一二望先生筆之先君六子兄爲長諱茂澍字岐渭太學生稟性仁厚有幹濟才弱冠而孤經理家務不啻成人維時生上有三兄俱係髫年下

有幼弟尙在襁褓母氏又患足疾惟兄嫂是依撫恤無不周孳生等稍長有知識大兄每于春秋奠享必泫然曰先父遺言謂能使諸弟各得成立冥冥中快然矣吾當此重任不敢稍懈願諸弟其勉之也晦休明動備極艱辛數十年產業較前過倍自後家口漸繁共謀析箸六股均分兄無私蓄且以產業之便利者多與諸弟曰爾輩未習作勞惟此堪爲易理也債務之艱討者必自任曰此吾所任情爾輩不能索也視各房家務原同一體凡有

勞事必身任之無何五弟中歿遺孤十歲兄爲經

紀其家教訓成立又伯父君聖公無嗣繼子其孝

好賭敗業兄周急濟困口不言德歿後復撫其子

爲之婚娶俾克成家兄之於友道如此其於鄉黨

間推誠相與然諾不欺有鬪爭事必急爲排解又

憐恤貧人遇有緩急必務爲周全雖有屢負不還

無顏相告者探知其狀卽與升斗更慰之曰竭力

作家自有補償之日此需不足介意也佃戶負租

屢次自願脫田兄更惻然曰田乃養命之原爾非

此何以爲生吾不奪爾田爾且力種以待來年因
此貧人感奮漸至起家者不一而足兄之手村隣
如此其訓諸弟子曰爾曹年少好露鋒鏃非持重
之器自今以後當過寬厚使人謂我弱毋持籌太
過使人謂我寬且寬一分卽爲子孫留一分餘地
過一分已亦難以善後矣家庭之內以忍爲先涉
世之方以恕爲上兄之垂訓如此言未旣余乃喟
然曰善哉汝兄余固素識其生平今得生縷述之
其友道如是是薛包之行也其任恤如是是陳實

之風也垂訓如是是萬石之遺也古人云讀聖賢
書所學何事今汝兄之立心制行承前啟後者有
一愧於詩書者乎宜其後嗣蜚聲巖序且繁衍若
斯也此不僅載之家乘堪爲法守卽刊之通邑大
都附諸史氏奚憾焉奚憾焉謹筆之譜中
乾隆甲辰仲冬重刻

甲辰科舉人蓮溪許祖燿拜撰



甲寅林舉人敷榮前順縣縣令

蘇州府吳縣縣令

吳縣縣令

蘇州府吳縣縣令

蘇州府吳縣縣令

蘇州府吳縣縣令

孺人湯氏傳

孺人湯氏呂公號愛泉德配也公性誠朴篤于至性而孺人少卽以孝謹聞尤不喜華飾非所謂天作之合者歟孺人年十七歸公時適際艱屯公父不數年卽世而姑氏徐太孺人又得足疾有叔五長者未及成冠幼者猶屬孩提公理其外孺人秩其內公固有幹事才孺人之主中饋嫻婦道爲何如也公長君誕生而太孺人疾益劇孺人卽不忍以幼叔乳哺事煩姑撫諸叔爨寒侍姑餌藥凡曲

體公孝友之心不懈朝夕公直有未始知者迄諸
叔成立完姻閨閣漸增容飾孺人惟嚴布素以爲
妯娌帥每謂諸叔妯曰吾始來事舅未幾而事姑
頗久竊聞訓諸叔懇懇以節儉爲言且氏目覩披
羅曳綺之態心殊厭薄之非故與人殊也諸妯翁
然師之故孺人之和妯娌以義一如愛泉公之處
兄弟間云夫厯艱辛耐刻苦佐有熾昌之業尙不
足異獨念人情當處困守約不敢少縱一旦快意
而奢侈頓生素號有學行者往往不免按孺人晚

境齊眉舉案幾及八旬子五人孫十有六人或蜚

聲庠序或肄業成均玉樹繞堦桂枝映戶鄉黨嘖

嘖稱羨至今如昨而孺人之絀華崇質不易其初

非儉德本于性天者而能若是乎孺人沒後啟箱

篋止餘布帛衫裙數事而已然平日之優恤親鄰

者且無算嗚呼愛泉公培植之厚得孺人而又加

焉積勤數十載有其德不敢安其報意欲以有餘

者留諸後人也古人云源遠流長惜福有福不益

信哉恒倩于琢鹽庄蔣氏其姑即孺人長叔妯也

故知之特詳孺人仲子啟南嘗同硯又季君士昂
 與族弟聯姻真相知戚里也承囑不辭固陋是為
 序

乾隆歲次甲辰仲冬之吉

歲進士候選訓導年家侍教生顧恒拜撰

...

...

...

...

溥照公暨徐孺人傳

溥照公暨徐孺人傳

公諱茂法字襄遠號溥照中立公三子也以父命
嗣伯父君聖公後配汝溪徐氏鳴山公女公生而
岐嶷素不好弄既冠噐宇凝重倜儻非常雅不與
佻達者爲伍中立公因嗣續單弱是用隱憂賴祖
宗培養之力伯仲繼起于三索復得公意謂大吾
門亢吾宗將於公乎是望夫君子之論人也當從
其大者而觀之則孝友其最重者矣每見豪俠之
子徵逐里巷慷慨好施酒食遊戲朋儕滿座詡詡

然自鳴得意及進而問其家庭色養無聞參商滋甚識者謂其大節之有虧其餘不足觀矣惟公秉性純孝肫肫然執杯棬奉修灑日侍兩尊人左右無違昆季六人共處一室雍愉和睦勸課農桑家資藉以饒裕其出繼君聖公也生而養沒而祀愨著愛存與所生無異嗚呼斯非所謂孝友性生者歟由是以御賓朋愉愉如也以接閭黨恂恂如也率是行也可以起痿痺可以息凌競翹翹乎洵一鄉之望矣而惜乎其不永年也豈天之報施或爽


耶抑所謂積善之家必有餘慶不於其身於其子
孫也孺人未出閣時婉婉聽從夙嫻姆教甚得父
母歡心于歸後事舅姑相夫子諧妯娌下逮臧獲
婢妾咸得其所家雖豐厚不事華飾裙布釵荆泊
如也中年而喪所天子翼謙公未及成童孺人苦
心刻志綜理家政督耕課織井井有條延師訓子
代慈以嚴數十年來家業日益饒子孫日益蕃鄉
黨宗族遠近稱孺人者嘖嘖不置也嗟嗟公之性
柔而溫孺人以靜佐之公之德簡而廉孺人以儉

濟之公之行敦本而尚質孺人以勤繼之公既創
於前孺人實承于後倘所謂兩美必合者非耶余
以館甥得親孺人色笑其家箴闡範心實慕之雖
不及事公而公之茂德蓋耳熟焉故能詳也甲辰
歲內兄輩纂修家乘余因舉其大節著于篇俾後
之人知公與孺人之種德淵深而厚儲其報者有
由然也公壽三十有九孺人壽六十有三子一女
三孫六人曾孫已生者六人俱詳世表中不贅
乾隆甲辰仲冬之吉 孫壻崔思睿拜識

似海公傳

公諱茂濼字觀濤號似海行七昆季六人公自幼
失怙偕六兄襄遠並嗣二伯父君聖年甫弱冠即
操家政躬親庶務然志意宏遠不爲溫飽計其並
事二母晨昏定省寒暑無違先慈徐孺人因八九
二君俱屬年幼將銀數十斤付公代爲經理後孺
人上樓失足危不能語公逐一檢明毫無失悞正
不愧事死如事生事亡如事存者公舉丈夫子一
曰士琦嶄然頭角播譽成均文孫濟濟麟趾呈祥

其延師訓誨竭忠且敬遇賢士大夫禮之惟恐不
至縣主陳公建立蜀山書院捐資力助即遇鄉黨
有事排難解紛緩急相濟又奚啻陳仲弓王彥方
之居鄉里也丙子己丑兩載歲大祲人無所得食
功令勸分助賑藉諸殷實戶計畝捐輸公與爲董
事立自舁米入厰先行煮給人賴以濟遠近咸行
故其用財施而與人也不留時取諸分內也不亟
責蓋惟推之以孝弟則利濟日隆濬之以詩書則
器量自遠也嗚呼若公者洵可儀型傳世者矣予



與公誼屬姻好因稔其梗概以壽諸梓若其生卒年齒婚配嗣息自有譜系載詳茲不復贅云

昔

乾隆四十五年歲次庚子仲春之吉

庚辰科舉人揀選知縣年家眷姻姪范于飛頓首拜撰

呂母袁孺人傳

孺人姓袁氏歸呂君觀濤觀濤父中立舉六丈夫
子觀濤與叔兄襄遠出嗣伯父君聖孺人之歸也
不及事翁而本生姑徐太孺人暨嗣姑侯太孺人
咸在室孺人左右調劑各慊厥志戚里中稱孝婦
觀濤兄弟固友愛而孺人與妯娌尤相得同居其
事合好掩惡勞逸惟均如一身者數年如一日及
徐太孺人見背伯子其位奉徐太孺人遺命析產
嗣是與叔妯徐奉養事姑彌孝謹而與伯妯湯仍

同屋室數十年無間言嗣姑抱病親調藥餌不解
衣侍寢者久弗懈侯太孺人彌愛憐之嘆曰賢哉
孝媳雖出腹子婦不是過也孺人幼嫻內則足不
踰閫子歸後叠遭顛沛家業中隳而孺人以靜鎮
之綜理整肅一切米鹽零襍務精心會計克佐觀
濤有家業隆隆日起性寬和慈厚鄰里中有急必
周有假必與丙子己丑兩年大祲觀濤業捐資施
糜煮賑而孺人復時時貸卹諸無告者其馭下也
寬嚴得中獎勤罰惰僮婢畏威懷德無敢廢職亦

罔有怨尤訓子暨孫胥有家法子士琦卓然成立
爲上舍高才生諸孫五人勤肄舉子業振振鵲起
悉克稟孺人訓旨云孺人卒於乾隆庚寅年距生
於康熙丙戌享年六十有五
論曰予生蔣子思成孺人女孫媚也捧杖請爲
立傳其語質慤無膚詞爰書之使歸其內父士
琦以垂呂氏家乘予聞孺人之言曰婦道無成
惟勤以治家嚴以訓子和以接物而已至哉言
乎抑婦德莫大于孝而孺人逮事兩姑各得其

歡心於婦道爲尤難易曰二女同居其志不同
行孺人處妯娌間迺相得如是且終身無間言
嗚呼可傳也已

昔

乾隆歲次丙申桂月

甲午科舉人儲硯峯拜撰

先父上舍敦庵公行述

先父敦庵公諱茂溪字飲雲敦庵公之號也公性
醇厚誠樸無僞孝友因心機械變詐之術不知消
歸於何有也髫齡喪大父中立公號慟不輟瞻依
大母徐太孺人膝下曲體親心靡弗周慎尋太孺
人又卒公尙未婚哀毀骨立孺慕之忱有加無已
維時門祚衰弱外患迭興公與昆季六人同心協
力兢兢業業常以失墜爲憂旣而凌侮解免積蓄
充盈析產而居可以稍慰不料伯父淇菴公襄遠

公又相繼而亡公愈苦身勵行與伯父愛泉公觀
濤公叔父沛林公等日夜黽皇欲以大吾門昌厥
後故雖王制藝不暇習舉業而列名成均專意督
課後人俾成佳器諸姪中有資秉英敏角逐文壇
者樂爲鼓舞而引誘之詩書其素志也而于曷
等尤嚴切入就內塾出就外傳皆延名師每于燈
下諄諄提命曰學問貴循序漸進功夫最忌雜而
忙予爲綜理瑣屑汝輩當潛心經史裕受知之具
以冀他年進取曷泣而誌之弗敢忘公眉宇温和

卽之者如飲醕醪不覺自醉其藹然可親如此然
族黨子弟羣聚戲謔聞公來輒頰赤汗流其毅然
可畏又如此居家自奉淡泊所御惟布素獨於歲
時祭奠必極豐腆或逢嘉菓或值時物無不羅列
以薦戚友來借貸量力而行未嘗有吝色遇歲祲
倡議捐賑公與伯叔父共襄其事塤箎相應人兩
賢之因少失怙益篤于趙庄徐氏諸舅餽送無間
諸舅或造廬來謁則昆季迭爲賓主歸必厚贈蓋
渭陽之誼禮特隆焉至若爭訟必排解橋梁必修

葺祖塋必恢擴公事必樂輸澆風必痛懲賓客必
款待喬木必培植今猶有稱道弗絕者無煩縷述
也花甲有奇婚嫁始畢含飴弄孫謂可享安甯之
樂詎意倏患疽疾委頓不能起遂淹然長逝抱恨
者曷有終窮乎以乾隆丙申四月十四日卒距生
康熙辛卯八月二十日享壽六十有六曦追憶之
雖不能報深恩於萬一而撫躬自悼實有難以默
默者謹識梗概附諸家乘以遺後世之思慕云

乾隆歲次甲辰臘月

男 應曦

百拜謹述

純軒公傳

公諱茂淵字需霖別號純軒世居荆溪之雙廟村
與予居相距二十里而近其季女歸予仲子映樞
忝係絲蘿親知公特詳會呂氏纂脩家乘其嗣君
乞予爲傳予雖不能文勿獲辭也按公父中立公
舉子六人公最幼生而穎異四歲中立公歿悲哀
孺慕無異成人親舊觀者爲之憮然瞻依母氏膝
下善承意旨能得歡心諸兄咸友愛之而公事諸
兄不啻事父母有教誡承奉惟謹不敢有違曰吾

幼失怙自垂髫以迄成人出入顧復皆兄力也蓋其摯性孝友自少如此居家醕樸與人恂幅無華然和光可挹人多愛之稱爲長者自奉雖薄而取人也不苛緩急有求必應貧不能償者輒寬假之遠近業其田者亦樂公寬平常誦德不置知其傳家忠厚也公少故有志讀書旣因食指漸蕃昆季析箸念先人遺產不足以供婚嫁費恐遂隳落乃幡然曰禮義生於富足今有子可教當以生事爲急計惟課農克保恒業耳當是時公旣勵精稼穡

乃與室人短衣操作見周孺人甘淡泊習辛勤則
大喜以爲內助有人不幸周孺人中道辭世繼娶
何孺人又不數年卒兩遭弦斷之傷益自刻苦又
得繼室瞿孺人劬勤左右黽勉有無是以數十年
間婚嫁喪葬費用日繁而蓄積日以饒裕及年既
邁家業固已過倍然公猶不敢少休以自逸也常
謂瞿孺人曰吾與若鹿車對挽雖不及鮑宣夫婦
然戮力耕桑使諸子若孫知稼穡之艱難庶幾不
習於滔淫不流于輕薄亦所以遺訓後人矣嗚呼

其仁讓也如彼其勤儉也又如此宜其室家漆、
荷天弗祿行見公之遺澤足以保世而滋大也公
享年六十有八子四人 鵬 翀 翀 夔 貞皆卓
立有駿譽


崔子曰余讀蒸民之詩而知秉彝好德不以窮達
異也今世俗以閥閱門第相高若乃托迹畎畝好
行其德姓名寂沒無聞爲可慨矣然敦仁讓重孝
友置身科第者或反不能及何歟善夫敬姜之論
曰民勞則思思則善心生民逸則淫淫則忘善書

曰惟土物愛厥心臧如公固念之稔矣鄉黨自好之士其亦知惟德是務哉

乾隆歲次甲辰仲冬之吉

年家眷姻弟崔謙六頓首拜撰





亦有... 子曰余... 也今世... 葬... 之士其... 曰...

恭祝

岳母瞿太孺人六袞榮壽

從來德門集慶必求淑女之賢壽域同春長護
萱庭之萼是以詩歌燕喜聿著合妻書衍箕疇
還推壽母鸞鳴天姥藍田雙壁增輝龍出鮑姑
合浦明珠生色此西河女子由來籍注銀臺南
嶽夫人早已名標絳闕也恭惟

岳母瞿太孺人譚邢望族鍾郝閭儀幼習風詩長
嫻禮教青絲帳後翩翩賦茗之才朱鳥窻前嫋

嫋簪花之格雅韻珮玕璜而應節清姿紉蘭蕙
以流芳爾其德裕蘋蘩職優組紉緬前人于栢
捲五夜添香勗夫子以箕裘一燈佐讀濃陰十
畝垂垂短褐歸田涼月三更軋軋寒機當戶且
喜鹿車對挽不圖鸞鏡分飛茹荼懷梧檀之悲
泣血結松楸之暮最關心芳草年年惟餘獨活
試回首清歌處處只有將雛斯時孺人黽勉
庭除綢繆牖戶悴可知也勞何如乎又况宜家
載咏繼室爲難常慨推車閔損子已獨寒可憐

守柰王祥婦長遭虐于今爲烈自古而然
人則鴈鳩廣惠心迹羣服均平烏鵲通巢義感
時稱雍睦午夜熊丸約共姜肱之被中閨畫荻
俾分卜式之田弟瘠兄肥誰識旁枝荆樹左廉
右讓敢云異本護花此尤堪與集賢之里彼此
齊名崇讓之門後先媲美者矣所由人發其祥
天降之福樽前矍鑠鄰夫人氣體俱恬林下優
游謝道韞風神逾妙盈庭是鳳衣綵聯輝繞膝
皆麟含飴正樂恒春樹下佇看桂發三秋畫錦

堂前會見雲開五色矣

樞

也才非姚合量愧舜

卿自慚鸛雀菲姿半分子職猥施薦蘿姻誼永

仰女宗桐葉題成黃直卿之酒樽頻酌胡麻飯

後阮千里之琴譜時翻欣逢設悅良辰正值煖

爐嘉節丹剛嶺畔林正舒梅翠水池邊籬猶綴

菊小春乍暖記蟠桃甲子三千瑞雪初晴隱碧


玉城樓十二簪纓滿座車騎盈門綠絹芭蕉風

前勸舉黃金橘柚月下徵詩衆賓僉云受福咸

宜良有以也不才竊謂爲善必報亶其然乎敢

滄東瀉之波敬獻南飛之曲是爲序

子壻崔映樞百叩拜撰



前員淇棗公傳

公性敏悟有知略幼時卽不屑隨人步趨比長就學讀書常不甚刻苦悉能記誦不忘公父中立公生子六人公其次也中立公棄世時伯父君聖公年已邁公甫冠諸弟皆幼是時家事紛紜外患迭起大兄淇渭孤立無助公乃廢舉業與兄同心併力彌縫匡救無遺力焉後數年內外安輯家貲日益豐裕諸弟從師受業皆婚娶欲各分居公乃商之長兄將田產分爲二股其一則兄弟均派一乃

仍作公產與兄經理之嗚呼公之志意蓋深遠矣
予觀夫族姓之振興也其先世必有具才畧篤友
愛能勝艱鉅識大體深思遠計而不屑爲私謀小
知者以開其先蓋徃徃然也公自念中立公以前
單傳者數世矣而祖業亦式微日甚欲建祠宇以
妥先靈設祭田以綿歲祀俱有志而未逮也何圖
享年不永而素志未酬公其沒有遺憾歟觀公囑
後一篇亦可想見其生平之志事矣又聞公沒時
諸昆仲各禱于神願以身代沒之後囊中絕無私

蓄諸昆仲不禁涕泗交流卽親朋族黨聞之亦無
不嘆息泣下感公之畢生盡瘁而友愛無間毫不
營私也然則公之精誠固足以幽質先靈而明孚
同氣宜後之繼繼繩繩者引之弗替也夫余本蕪
陋不能揚挖公之行事因忝戚末第述其梗概以
附諸宗譜之末如此

乾隆歲次癸酉

姻弟王日昇拜撰

蔣孺人七十壽序

記有之松柏有心貫四時而不改柯易葉予謂人世之忻戚悲愉卽松柏之春秋冬夏能貫一生而冰雪自矢方能不改不易而與松柏同其操休哉若我呂母蔣太孺人真不讓有心之松柏矣孺人系出竹園庄蘭若蔣公之季女性端靜嫻禮教及笄歸於淇菘呂兄琴瑟靜好事上接下井井著賢聲家業亦漸克拓呂氏宗族謂淇菘得內助定當犬振門閭乃未幾而淇菘兄辭世孺人之境遇至


此一變矣遺孤瀛選尙孩孺人以母兼父飲食教
誨靡弗周至婚娶訖俾援例入上庠冀圖揚顯以
慰淇菴兄于地下無何而瀛選亦辭世孺人之境
遇又一變矣撫其媳王氏曰勗哉爾無夫有子我
無夫無子幸有孫在向者我以一婺支撐門戶尙
不至凋落今與爾兩婺相調護藐孤不爲無托九
熊畫荻吾舊業也復修舊業吾爲爾率先數十年
來家益裕延師課孫益力迄今孫既成立俾克敦
負荷之傳而不墜世守者皆孺人之訓有以啟之

也人謂孺人一生待字之初蘭也茝也于歸之始
桃也李也迨喪夫喪子荼矣蓼矣而今而後薑矣
桂矣予曰不然孺人固所稱松柏是也當春夏而
不覺其向榮遇秋冬而不見其搖落風霜迭至冰
雪薦加而不改不易自若也陟景山之巔瞻松柏
之茂其貫四時而不變者卽質千古而何慙也哉
余與淇菘兄爲忘年友弟省三又瀛選同研席今
孺人壽登古稀戚黨以侑尊詞請不揣龕陋而爲
之序云

乾隆歲次辛卯

丁卯舉人知平武縣事改授儒學教諭

余與鄭崇景年家眷侍教生徐元震拜撰



[Faded bleed-through text from the reverse side of the page, including characters like '其費國報', '年家眷侍教', '徐元震', '拜撰', '訓令', '其費國報', '年家眷侍教', '徐元震', '拜撰', '訓令', '其費國報', '年家眷侍教', '徐元震', '拜撰', '訓令']

未菴公暨吳孺人傳

公諱應駒字士升號未菴昆季五人公居幼性敏慧
善讀書角藝文壇輒前列而累困場屋然發爲詞章
潤雅和易無感懣不平之旨識者知其所養深矣厥
後隸籍成均不第輒棄去專意色養綜理家政具有
條理均足爲吾輩矜式云蓋公悅志承歡之日正高
堂榆暮之年奉卮匱勤定省具畧弗誌卽公賢伯仲
時切瞻依常欲迎歸就養親終不允雖曰愛憐少子
而其所以致愛者爲何如也若夫周貧困恤孤寡里

有豪舉不惜重貲以濟奴婢及長必令歸去曰使若輩終老吾家予不忍也其大節克敦如此立心長厚又若彼嗚呼其可傳也已德配湯孺人早卒無出繼吳孺人系出西關邑望族也幼歸公宜婦道以孝以敬實能相助爲理云子四壘均城堅女三其季卽孺冢婦故得道其詳公生乾隆庚申卒癸丑孺人生同庚卒于嘉慶辛未並卜吉于村南之曲尺圩乙辛向克字一千四百九十五號平三畝七分永作祭田俾子孫世守之成公志也嗟乎以公之德孺人之佐固

宜長享遐齡身食其福而非此其身或亦天之福善
有時光遠而彌耀者乎爲之後者知先德之有自念
報稱之有期努力勉旃能不負予之所望也幸矣
賜進士出身現任松江府教授姻眷弟崔錫華頓首

拜撰



Faint vertical columns of text, likely bleed-through from the reverse side of the page. The characters are mostly illegible due to fading and ghosting.

不詳岳父豫堂公傳
岳父諱應彪字翼謙號豫堂太岳父溥照呂公子也公生十三歲而孤賴太岳母徐氏撫養成立家無次丁不克習舉子業遂緣例入成均然于古今一切傳記圖書無不通曉能爲詩古文詞家務稍暇輒理筆墨事齋居一室澹如也太岳母性素嚴時以端方樸實讀書自立勗公而公益復循循矩步未嘗稍有遽色疾容居家極儉約婦女無所粉飾皆太岳母家法而公尤能善承之方溥照公捐

館時遺幼妹三公爲之經營嫁事厚其粧貲公之
視其妹殆有過于溥照公之視其女矣岳母顧孺
人事姑復至孝太岳母年老而益好勤孺人必竭
力勸慰以身代之斯又能克承夫志者歟太岳母
年六十有三而歿公及孺人哀毀骨立如不欲生
悲號之聲感動中外故鄰里戚族稱孝行者必推
豫堂公夫婦云舉丈夫子六長肇基穎悟絕倫惜
不幸早逝次整基丕基崇基承基紹基皆好讀書
不苟言笑出入具有法度一本豫堂公庭訓也孫

已生者六人尙幼女五長卽歸于睿次適崔思安

卽睿從弟三適李君恒四適儲君照幼未字睿之

始爲館甥也岳父豫堂公年四十有三歲時過從

侍公左右者二十年所見公之行事最爲詳悉而

公亦時時以端方樸實讀書自立訓飭於睿故

幼失怙幸得濫厠黌墻不墜其業者皆公之力也

且公幼時家固饒裕而公不辭勞瘁勤理田園驟

增數倍非其精敏過人曷克至此公之在鄉曲也

舉止莊重正直不阿間遇公事爲之調劑雖諸父

輩亦莫不敬憚其爲人公年五十有九厭世事其
歿也猶諄諄以勤儉端方讀書自立訓其子若孫
無他語也夫以公之爲人雖古豪傑之士當不過
是而睿尤知之真見之確苟不爲之傳以傳之則
將來之採風者何所考據錄入志書以補人物之
缺乎後之君子卽或以睿爲豫堂公私誄也則睿
不敢辭耳

乾隆歲次甲辰仲冬之吉

子壻崔思睿百拜識

盡岳母顧太孺人五十壽序

睿

嘗讀列女傳女史箴抒情集粧樓記合璧外傳

等書所載婦人事甚詳悉大要首德行才次之貌
又次之至于婦人之壽則罕有及焉者豈以壽爲
不足重而故畧之歟蓋婦人之有德行者莫不有
壽苟徒有才與貌而欲以享高年膺厚福往往難
之譬之於木凡花之艷麗者其凋也或以日計或
以月計鮮不至靡然喪頽然萎耳若夫松栢之性
則喬柯偃蓋不畏霜雪故其壽之久者或至于千餘

年少亦五六百歲秦松漢柏載于方輿記及各省
地志中者至今猶盛傳其事此非有壽者之明效
大驗歟岳母顧太孺人成均鼎文公女也岳母初
歸我岳父豫堂公時其所行事睿不及盡知自睿
倩于呂氏岳母年四十有一逮事太岳母徐晨昏
櫛緹色養怡怡凡太岳母事所欲爲者靡不先意
承志得其歡心孝愛之誠發于天性則婦也而兼
女矣以故戚里內外絕無間言幼姑三人岳母皆
盡心撫字出嫁資奩一遵太岳母命概從其厚未

嘗稍有吝色此尤爲世俗所難而岳母之包荒大
度有古賢女風爲何如也其于家務謹持管鑰出
入必嚴居恒荆布自安不假粉飾勤理之餘輒事
紡績相夫立業固婦道之必先者歟子五人性敏
悟過目卽能成誦延師訓導厚修脯潔飲饌皆岳
母中饋之力爲多今年十月爲岳母五旬華誕親
族里黨樂爲舉觴睿自分樛櫟不能褒揚盛德卽
爲壻後數年間所得之於目擊者舉其數大端亦
足見有德行者之必將享高年膺厚福而大異乎

僅有才若貌者之頽然而靡然耳其于列女傳女
史箴等書之所載賢婦人者將不過乎是是為序

苑里皆

乾隆歲次丁酉孟冬

穀

旦


子壻崔思睿頓首百拜撰

補錄夫立業固誠前文必於香燭于正人君始

人亦烈哉卧味亦自安不難欲檢謹野文錄難事

製其古賢文風錄亦賦也其于卷錄蓋其管餘出

幾餘亦咨也此大益世翁視曠而母其古時策大



周孺人六十壽序

嘗思有德者獲福始困者終顯丈夫貴自立耳女子
何獨不然呂母周孺人有足嘉者孺人綺歲歸承基
呂公克佐內治家政咸理事姑以孝聞育四子二女
長君錫祉次錫祺三錫祚幼錫禧年五十一而承基
公遂捐館舍是時家業頽圯子女未婚配者間有二
三孺人操井臼勤紡績綜理內外罔間寒暑迨後娶
媳嫁女專事節儉居常經費量入爲出以故家業漸
饒非孺人十年之精力曷能臻此所謂女中傑士非

孺人其誰與歸孺人年逾五旬而猶快快者常以不
獲抱孫爲念閱數年而次君生子壬午癸未歲聯舉
兩孫濟濟多士三代一堂孺人其亦顧而樂之否日
者孺人喜語人曰吾今子又生子呂氏殆有後矣則
予所謂以德獲福始困終顯者若合符節嗣君昆季
雖未奮志芸窗詩書卒業而雍容氣度頗有儒雅之
風孺人常戒諸子以不克負荷爲憂今茲花甲初週
含飴足樂嗣自弗祿靡涯嘉祥洵至芝蘭繞砌羽翮
冲霄又可操券而必者乃拜手稽首而爲之歌曰母

德難量兮感及穹蒼皇天不負兮報以久長鬚髮皤
皤兮壽而康子孫蟄蟄兮熾而昌琢冰桃兮搗藻鏤
雪藕兮揚芳祝添壽兮衣冠濟濟共集華堂九族捧
獻兮春酒一觴

辛酉科選拔貢生候補儒學教諭陳賦拜稿



辛酉採豸其貢坐於歸壽學蓬儲刺編編我錄
 鳳合春醪一醪詩書不棄而雍容氣度頗有餘韻
 魯蘇合巽芒屨慈壽合文垣壽壽其集萃堂武熟其
 翻合壽而氣平氣釐釐合嫩而昌凝水淋合誠氣數
 新擴量合氣又宵吞皇天不負合辨以八身錄變翻

呂母許孺人傳

孺人毛圻許氏幼而婉婉從母教長歸紹萊呂公
修婦道其治中饋操絰織接姍族御下人瑣屑不
勝書惟上事翁姑奉養無違後姑年邁患痢孺人
日侍床褥嘗湯藥傾刻未離凡洗垢滌污不假下
人手自夏阻秋事姑易簣毫無倦色其佐夫君延
師訓子竭忠且敬性和易溫柔淑慎事無大小周
旋委曲皆可垂爲閭範乾隆歲次甲辰合嗣五文
夫子捧杖從遊朝夕講誦爲述孺人懃行予早爲

之心折今因族譜告成乞傳于予予謹書其行畧
 以壽諸梓至生年卒葬子女文孫若干人自有譜
 系載詳無庸復贅嗚呼婦道無成孝行爲先若孺
 人者詢可垂之家乘以爲後世子孫景仰云


日谷未辨嘗樹藥則咳 廩膳生吳元發拜撰

親書州土率餘故奉養無缺外故平惠惠廉誠人

幼穉其故中辭對珠琳廷散執喻工人匪誤不

器人手世指刃心而敏敏於母姊其體麻萊呂公

呂母指諸人掛



瀛選公傳

君諱應鰲字瀛選父淇棗公母蔣孺人淇棗公謝
世時君年幼蔣孺人極愛憐之君亦至性純篤比
長締姻于家歲時候問先君子日未旰輒告歸如
是以爲常予昆季強留之則曰恐勞蔣孺人懸念
也君姿性穎悟讀書能會大意下筆洒然有侷儻
不羣之概年十五六時與儕輩角逐頗自喜不後
人諸名師咸器重之顧獨艱于遇頻年應童子試
輒不利久之喟然曰遇不遇命也吾非不念顯親

揚名慰先人地下然爵位未可倖邀累累隨行役
役逐隊何爲哉且吾母老矣顧我復我精力已憊
其不可以重煩倚閭之望乃棄舉子業援例北雍
侍奉高堂融融洩洩暇則以其餘綜理家政蔣孺
人自是無門戶憂矣予姊歸君最早君年近三十
未有嗣私念隻身孤立欲廣似續以益恢先業且
上慰老母心因置副室一人踰年而斯振甥生又
五六年副室復舉一子是時蔣孺人歡甚君亦眉
頭漸展族黨親戚咸謂君年方盛壯啟後承先事

業未可量也。顧不數載，竟抱疴以卒。卒之日，至以不能終養爲恨，其可哀也已。君長予十三歲，自先君子歿後，每晤語，未嘗不以讀書相戒勉。君諸弟中有賦采芹者，輒喜形於色，以此知君固非絕意名場者也。嗟夫君之才足自見而不能顯于時，君之志在養親而不能如其願，豈固命耶？抑將以利後之人耶？予是以傳之，使後嗣子孫得窺梗概焉。其他詳載譜系，故不著。

乾隆歲次甲辰十一月上浣

春弟王鈺頓首拜撰

其謝前刻歸來對不替

對之入雅信長以幹文其對屬于冠橋嚴賦難語

之志其養縣而哀節收其願豈固命聖時耕以味


谷豈容也劉夫保之卡致自見而不論臘五排操

中休燭采乳香燭尋逐外也以此吹探固我餘意

區于幾錄其部端未嘗不以驚傳琳琳與與操精羊

不批舞翻然勉其何哀也日暮矣元十三數自崇

業未何量也願不燥舞竟賦欲以卒卒之日至以



王孺人六十壽序

癸卯之秋九月既望硯兄王君振芳偕其甥呂子
斯振來請曰吾仲姊今花甲一週矣甥輩思所以
爲壽願得一言王君與余世好也平居過從時時
稱道其姊之德不敢以不文辭乃遂爲之言曰古
今論婦道者于詩有云無非無儀惟酒食是議其
在易則曰婦道無成而代有終予以爲兩者俱不
易副也而代終之義尤難今夫周旋父母之前委
蛇舅姑之側琴瑟靜好連理齊榮當是時也事無

專制行無獨成中饋主持謂其所素習耳至不幸
中道稱未亡人高堂有待養之姑膝下撫孩提之
子仰事俯育之責畢萃一人卽淑慎其身不能不
當此而變色却步矣故曰婦道難而代終之義尤
難呂母王孺人余父執一寅公女年十七歸瀛選
呂君是時呂翁已去世獨太君蔣孺人在堂孺人
能相夫子以色養閨門雍肅無間言闔十九年而
呂君卒太君年老遺孤子女皆幼孺人上奉太君
嗜好必備也出入居處必備也下撫子女飲食教


誨之不異鳩鳩之均平也。迄今子既成立，孫枝成，行人咸謂呂氏世業不減。呂君在時而不知孺人之拮据辛苦，綢繆調護于其間者，蓋二十有五年于茲矣。予嘗論人惟克自貞于天壤之間者，氣數不得而搖之，每怪世之稱壽者，或曰華封三祝，或曰王母雲謠，此皆虛浮不着實際之語耳。語云死者復生生者不愧，又曰死天下事易成，天下事難若孺人之安常處順，則婉婉聽從，遺大投艱，復從容展布先後事迹，允蹈乎易與詩之所稱，斯固有

足長留于不敝者自此登上壽躋期願猶操券也
又何必食枸杞之水結茱萸之佩而後稱永錫難
老也哉謹書之以爲侑觴之助

乾隆歲次癸卯

歲進士候選儒學訓導年家眷侍教生周袞

拜撰



藹園公暨沈孫兩孺人傳


姑丈藹園呂公諱應曦字廷輝邑中名諸生也少嗜
書史講求根柢學負笈從煥先大父繹軒公遊大父
深器重之高弟也而遂坦腹焉其爲文端莊醅雅力
追名家風範間或參以華藻亦如藐姑射仙人不同
凡艷常與崔閭齋許菊溪家叔祖筠軒復齋諸前輩
爲文字交角藝詞壇樹漢家赤幟羣推健將然苦數
奇不遇屢躓棘闈同學諸君多登甲乙榜以去公獨
不加欣戚處之淡然年未五十卽裹足名場村居課

耕桑培花木爲娛老計每語人曰草茅中自有樂地
何必束縛名繮跼促如轅下駒也識者以爲閑閑泄
泄有古隱士風云公號藹園信乎其爲人之和藹也
生平無跡氣無矜情於物未嘗有所忤每與之晤對
穆然如坐春風中然言笑不苟取予必當胸中具有
涇渭別濁分清不妄與人交接惟二三正士相視莫
逆者引爲素心與其晨夕上下古今劇談不倦斯真
所謂和而介者歟事堂上兩尊人尤先意承志以色
養聞平居教子弟必衷禮則卽一衣一履亦敦古處

不落時趨故于今中表諸昆季莫不循循規矩毫無
逸誕譎張之習苟非公之庭訓曷克臻此年五十有
八遽赴玉樓嗚呼雖無老成人尙有典型如公者洵
呂氏之典型矣元配沈孺人煥姑母也生丈夫子四
未及成立而孺人早逝年纔三十有一時煥甫數齡
不克悉孺人之壺範第聞諸諸父以爲孺人歿時翁
姑妯娌暨宗黨弔唁者莫不泫然泣下曰賢婦難再
得云繼配孫孺人生丈夫子一系出豪華歸於儒素
而釵裙荆布井曰親搯古孟光弗多讓也撫前子一

如已出以長以教娶婦生孫克全夫志年逾古希而卒詩曰合妻壽母其孺人之謂歟

內姪郡庠生沈煥頓首拜撰



親母孫太孺人七十壽序

蓋聞坤靈毓德質首貴夫安貞闔範鍾祥行莫先乎
淑慎職優組紉允堪宜爾室家績著蘋蘩自合膺茲
弗祿必非儀之盡泯知詬誅之不興既百順之可嘉
何三多之弗萃積善餘慶栽者培之天且將如願以
酬人何難撻券而得所以桃開千載羣知王母之花
菊茂三秋共進麻姑之酒祐由我造何須築延壽之
宮寵自天來奚必假長生之藥蓋有遐福者必享大
年而能立命者果蒙帝祐吾于親母孫太孺人之

行事驗之而信斯言之不誣而益嘆斯人之無忝也
孺人系出名門生由望族父稱吉士母號禮宗禰祿
多知幼卽擅端莊之譽夬笄好禮長遂蒙女士之稱
曾無拂乎閨箴初不煩夫姆訓迨其歸我 露園公
也家纔中落室鮮資儲膝前多羸瘠之藐孤堂上有
呻吟之二老夫子則惟知誦讀不聞生計之盈虛孺
人乃一力摒擋敢惜身心之盡瘁爾乃悉屏釵鈿親
操井臼甘旨無缺庭幃增喜笑之音鞠育常殷牖戶
絕啼號之響顧復不殊於已出恩勤更甚于所生且

也擁髻持籌含飴課讀仁能逮下蓋帷酬犬馬之勲
敬以相夫雜佩答佳賓之貺於時戚黨稱賢里隣誦
美香留彤管閨鬪羣奉爲儀型慶洽椒盤妯娌俱欽
其規則天眷無私果符牧夢乃生男子更錫豐年猶
復夜寐夙興惟勤惟儉晨營夕考不伐不矜迨至業
漸克盈兒俱成立朝朝拮据十二時之精赤殫焉歲
歲綢繆二十載之苦辛至矣爾時倉有贏糧門無雜
客大兒秉耒小子橫經孺人固口不言勞富而能
抑夫子更耆而好學玉且思沾琴瑟終和弦歌弗輟

人願識伯鸞之面我亦欽德耀之風方期靜好以無
虞誰謂驚飈之忽至山頽泰岳星隕少微艾也稱嫠
嫠焉何害所慮垣墉甫築弗禁雀鼠之穿松菊僅存
忍聽牛羊之牧 太孺人乃孱焉持戶健以當門國
課早完外言不入暮夜絕追呼之擾閒庭無宵小之
蹤於是一意訓兒專精課子農恒爲士母更兼師奕
奕孫枝俱能繩武森森玉樹盡足承家所以百年之
閱閱依然千載之箕裘勿替此固 靄園公之積慶
致之而亦 太孺人之教養有素也茲值季秋之吉

實當設悅之辰年已躋乎七旬榮未霑夫 一命然

而人言無間 天爵自尊溯視履之考祥卜此門之


必大庚情深肺腑誼切葭莩昔也刑譚今焉秦晉敢

抒銀管畧著芳徽貯待 玉音重申 寵錫此日

登堂拜手笑指耄耄以稱觴他時祝嘏摛詞行向期

頤而載筆

姻眷教侍生吳映庚頓首拜撰



Faint vertical columns of text, likely bleed-through from the reverse side of the page. The characters are mostly illegible due to fading.

半休公暨崔孺人傳

士有翹然自命視天下無難爲之事此自許過高失
之太過者也又有委靡不振頽然自放與庸衆爲伍
此自待太薄失之不及者也惟夫素位而行不求盡
美而庸言之謹庸行之信自能善始而善終此慥
之君子所爲難能而可貴者也余于妹丈丹丞公見
之公自幼習儒肄業太學秉性正直不苟合當世嘗
自號素軒後改半休夫人之立名取號大抵皆取乎
顯榮褒大之義以自爲頌禱而公獨號曰半休此卽

所謂素位而行不求盡美者也余與公忝居至戚往來日久觀其承前啟後數大端有卓卓可紀者焉公業基下田數十畝量入爲出產息不甚豐盈公與妹氏惟勤惟儉克守舊業生丈夫子三女一以長以教俾克成人年逾五十諸孫林立繞砌盈庭夫家事之經營私事也而公事或未能勝任則其才猶不著公世居雙廟里廟宇傾頽橋梁朽壞建議修之港內泊船恒虞盜竊設柵防之至于家廟宗祖之所式憑也子孫之所瞻仰也歲久塵毀尤宜修整公則省其棟

梁厚其墻垣加以塗墍飾以丹漆鳩工庀材朝夕不
倦門堂寢室煥然一新迄今入廟輪奐瞻其華美俎
豆薦以馨香仁人孝子之念有不禁油然而生者矣
道光二年冬甥玉書玉封芳潤欲余爲伊父作傳且
呈其父所錄手卷一軸紀年紀月事蹟無不具載余
舉其大者上能承先下能裕後年屆七旬悠然長逝
可謂全受而全歸者矣余竊思之世有聲名顯達赫
赫一時彼非得其全者歟乃不逾時而感慨係之其
所謂全者安在也蓋全則易至于缺半則或幾于全

三五而虧三五而盈天道也卽人道也公自號半休
固已得其全者矣然公之能得其全正惟公之僅居
其半也書曰滿招損謙受益其卽得半而不欲求全
之意歟公生於乾隆辛未卒於嘉慶己卯妹氏少公
三歲後公一年卒公性鯁介而妹氏性極寬平凡公
有所創建妹氏每從容調護于其間以此內外無間
言茲因三甥之請并贅數語于篇末云

王子科舉人揀選知縣內兄崔景灝拜撰

韻法節母王孺人傳

孺人姓王氏湯瀆望族也適呂門爲梅村翁婦太
學生熊占君之妻生而貞靜笑訾不苟稍長喜讀
孝經內則暨女誠諸書聞人談古貞節事輒改容
端坐謂女子從一而終固應如是年十七成婦道
事舅梅村翁曲展孝思以不及事姑爲恨其勗夫
子以成名也朝夕勸諭冀掇巍科以遂顯揚之志
故熊占君甫及冠隸成均積學工書悉以家事委
之孺人孺人柄內政井井有條中外咸稱羨之越


十一年熊占君以不得志成疾孺人奉湯藥維謹
既歿誓以身殉梅村翁慰之曰吾兒不能終養其
罪大矣汝將以婦兼子汝死吾亦將死且汝之子
女其誰恃耶孺人飲泣不能言由是事舅益謹屏
膏沐服縞素教養子女俾克成人婚嫁及時中禮
孺人以二十八而寡歲乙亥正孺人五十初度親
黨欲聞其事於朝給帑建坊爲孺人壽孺人謂
建坊固國家盛典然守節婦人所宜能使諸孤毋
貽先人羞足矣旌表奚爲哉是年十月二十三日

卒享年五十歲子二長瑞祥次位祥女二長適杜
坡周公三子辰達卽吾姻親也嗚呼孺人爲婦者
三十三年上事垂暮之舅中相羸體之夫下撫總
角之孤中饋拚擋亦已極人生之不幸迺能安於
義命苦節可貞是其禮教素嫻歟抑其天性醇淑
有以異於人歟嗚呼賢矣以孺人之盛德謂宜長
享遐齡以昌以熾而又天不永年是遵何道歟念
孺人之德而余心悲之念孺人之節而余心愈悲
之韓子曰發潛德之幽光若吾姻親王孺人者眞

節而能潛者也愧無文以發之然又烏能已乎是

為傳

卒既訖以昌以繼而姻家侍生路應廷拜撰



沐以異姓人賴訓判實矣以無人之益論贈建廷
兼命海濱區良景其靈煇素職煥明其天授廟
風之海中漸飛謝衣日赫人主之不辛既逝矣
三十三平土華垂暮之民中時麻匪之夫在
地風公曰子氣數明吾眼辭出御平臨人
卒享年五十歲子三其辭輔突並報文二其

恪齋公傳

公諱繩字斯振號恪齋性警悟弱冠卽知名與儕輩
徵逐輒列前茅居恒謹禮節峻風規諸親友多心敬
之歲壬子予館公家嘗爲予言少年轆軻事公生七
歲而孤賴祖母蔣孺人暨母王孺人以長以教俾克
成立年二十德配崔孺人始賦于歸甫一載而孺人
謝世未幾公次公斯恩公又捐館舍惟時再世單丁
僅延一線而哀蟬落葉與雁序同悲惟餘堂上兩尊
人青燈淚眼相對凄然而富貴功名俱非公之念矣

公自念門祚衰薄既無叔伯終鮮兄弟於是棄舉業
旁涉諸子百家兼通青鳥之術而實非其始願也厥
後繼配范孺人生裕承輩昆季比長卽爲延師訓誨
又切念治生爲急賃工力穡皆親自督理蓋耕讀原
公家舊業至是而公之意念綦切矣每晨夕談讌或
酒後耳熱輒向余言謂若等能讀書應童子試余當
謝事上庠爲兒輩率先蓋其卓犖不羣視取青紫如
拾芥其彙徑有過人者乃不數月而竟以疾卒其可
悲也已嗟乎年光寂寂飛電驚丸人世營營輕塵弱

草夫予以中年夔落轉徙東西遭家不造孰與晤言
嘆哲人之云亡信修短之有數不禁因公之歎忽倍
枵觸於予心也因畧舉數年暢敘之情以誌公之梗
概云

昔

乾隆歲次壬子仲冬

眷弟玉亭周昌言拜撰

崔孺人哀詞

嗚呼自吾姊之棄世五十一年于茲矣方姊氏之在室也勤女紅議酒食母氏極愛憐之年二十歸姊文恪齋呂君惟時七雁七鳧琴瑟靜御稱好逑焉乃甫一載而遽謝世予時尙幼心甚慘然自予薄宦星江閱今十載始賦遂初其間死喪相繼故人親戚存者如晨星之在天然或誌或銘否則而壽而臧皆有以傳世而吾姊獨以少年淹逝幾泯泯焉歲壬午至館甥裕承家見其續修家乘余曰是不可以無識因援

筆而爲之詞曰

慨萬古之塵埃兮陽陰沕臻嘆一朝之風燭兮修

短難論紉蘭茝以自潔兮緬閨閣之幽貞雜珩璜

以爲佩兮奉君子之清塵夫何風雨之無端兮春


花遽飛光華之未旦兮晨露早晞嗟芸焚而蕙歎

兮慘月落而烏啼哀緣情而來宅兮境追想而如

遺惟蒸嘗之勿替兮願似續之永昌世何人之不

閱兮人何世之能長念振古之如斯兮亦何必異

視于彭殤




昔

道光二年十月

乙卯舉人歷任婺源縣教諭同懷弟崔錫芬拜撰





Faint vertical text columns, likely bleed-through from the reverse side of the page. The characters are mostly illegible due to fading.

昔

范孺人五十壽序

大凡女子之生得母氣者多或德或言或工否則壽考期願雖不必一致要自有一端之克肖者余女兄二女弟二長次俱適潘幼適周三適呂君恪齋今爲裕承昆季之母歲戊申予母八十誕辰陞兄弟竊效斑衣戲綵故事娛樂萱庭諸親友及姊妹丈以次舉觴酒闌燭炮相繼辭歸妹氏率其子暨潘甥周甥等環列中堂復爲吾母壽吾母因撫妹氏而言曰余女四人惟汝以嫠居在側吾心憫焉惟望汝他日躋遐

齡登上壽百歲韶顏一如吾今日吾願足矣陞兄弟
舉酒而爲之賀妹氏笑而頷之方妹氏之于歸也年
十八不逮事翁而其事姑也如事母閱十七年恪齋
公捐館舍太親母悲痛欲絕妹氏于哀毀之中寓婉
愉之色以婦代子朝夕承歡乃未幾而太親母又謝
世是時裕承輩皆未成立幼子尙在襁褓妹氏以一
女子支撐門戶數十年來延師訓子及諸婚嫁艱苦
備嘗然觀其治家從容有度曾無疾言遽色而長幼
肅然諸甥旣循循孝謹孫枝亦蘭玉成行苟非立志

不渝範圍曲成之有道曷克臻此今歲臘月爲妹氏
設悅之辰予昆季仍率潘甥等聊舉一觴以爲發軔
他年而艾而期純嘏康強克躋乎吾母之壽是則予
之所私幸也夫是爲序

皆

嘉慶歲次丙寅嘉平月

胞兄范陞拜撰

不幹子孝公暨范孺人傳

家乘數十年一整修固以子姓之蕃無所統紀尤
懼嘉言懃行之失其傳也夫名垂竹帛功隸史官
自不至湮滅而莫考出一鄉一井間始爲盛事繼
若罔聞往往而是吾族人所爲于子孝公夫婦不
容已于特著者也公精於心計好貨殖重農桑與
范孺人刻苦操作數十年遂成富有性喜施舍信
佛氏凡寺觀橋梁之傾圯者凶年捐賑施糜者叩
之無不應乾隆三年議建雙廟分祠時公已卽世

范孺人入田二十餘畝捐基地五分後又捐銀一百三十兩曰先夫遺命也乃得祠宇落成祭享優裕此族間不數見之義舉也種德爲不淺矣奈生子而天兩房承其嗣噫爲可感也公之所有積於勤苦而一旦捐及千金絕無靳色非用財以義者不至此事雖止于其本分中而尊祖敬宗之念無二心也且身已無後猶念祖宗血食之延建祠捐助其足爲族人風厲者不大有在乎爲善無不報不得于其所生必得于其所嗣迄今春秋時享公

夫婦之主憑几筵而妥靈依俎豆而侑祝巍然列
座永永年代何嘗不爲食其報者嗚呼以視世之
徒知修寺觀肥僧道沾沾名樂善好施而祖父祭
祠墳塋漠不加恤則公夫婦所爲尤堪與竹帛史
官垂不朽也已死而有知其亦可以無憾乾隆甲
辰年修譜其田畝細號及良兩數目具詳于碑其
行畧未載也吾輩惓惓反覆咏嘆之以爲族人風
勵之嚆矢云爾亟付諸梓

乾隆甲辰仲冬之吉

族人公識

...中...時...冬...古...其...五...敷...天...

...之...部...天...元...備...運...林...精...林...乃...得...嗣...子...落...

...於...畧...未...始...終...善...運...辭...對...氣...歸...和...興...文...以...盡...其...人...風...

...其...中...不...離...其...田...廣...曠...焉...又...具...爾...幾...日...其...精...干...軀...其...


...自...垂...不...休...臥...牙...天...而...亦...收...其...衣...以...無...烈...薄...劉...甲...

...疏...數...瑩...英...不...吡...幽...以...公...夫...誠...何...為...此...肆...興...於...帝...史...

...封...映...遊...香...麟...吼...骨...齒...故...故...各...樂...善...獲...誠...而...賑...災...祭...

...血...派...派...半...升...何...嘗...不...食...食...其...辨...香...與...理...以...無...外...文...

...夫...誠...之...主...惡...人...發...而...安...靈...好...於...豆...而...前...臨...赫...然...德...



長侯公鮑孺人合傳

公諱仁美字長侯自少失恃賴繼母太孺人慈惠朝夕提攜視如己出俾克成人性惇朴有志操娶鮑氏亦淑女也事姑曲得其歡卽以宜家婦許之公慎訥厚重凡里中不以義動者概置不省惟力田作苦不敢或休設有關於大體人未來謁輒已先往每慨爲身家子孫計者當圖其大奚事瑣瑣者爲乾隆三年議建分祠公踴躍曰此呂氏之光也傾囊何吝時子孝公配范孺人公媵母也願捐貲

助地有意而未決公再三力勸義舉遂成此足以
驗其志之所存矣今嗣君富鼎公晚年得之初有
子俱天常指孺人懷抱中謂吾幼以喪母累姑將
恐以無父累汝矣奈何後不數年果逝孺人綜理
內外家業踰前嫁娶如禮擇師訓子卜吉安喪無
不悉當人始嘆其姑之有先見云迨至含飴弄孫
乃謝家政優游杖履之樂殊出尋常非所謂有其
德者享其報耶嗚呼公之志行卓卓而孺人又善
承之後人其勗之哉門祚之昌有日矣嗣君富兄

慷慨稱象賢與余兩弟賓主也故稔知之謹述

贊曰

幼歲靡恃我生不辰立身行已獨矢艱辛力田
孝弟風雅堪親然諾無移取予惟均淑配好逑
家業聿新內外得理福祚駢臻森森蘭桂馥馥
花茵賢哉長翁不忝前人

乾隆歲次甲辰仲冬

穀旦

歲貢生揀選儒學正堂年家眷弟顧恒頓首

拜撰

一

其遺貢出耕野田學五堂平宋香策

薛劉效夫甲辰仲冬

芬茵資好具餘不忝前人

宗業率德內外皆野田耕野田耕野田耕

率德風雅賦賦然前無遜項午到世賦賦賦

賦賦氣割賦賦坐不負立良行日賦賦天賦辛大田

贊曰

劉劉蘇蘇遺與余兩余資主出好蘇賦賦女蘇蘇兄



錫元公傳

閔越

呂氏者世爲陽羨望族文辭藻麗代不乏人此特
士林之名譽非世德之良謨也有方夏公者恂恂
自守崇禮義敦孝友蒼蒼古貌有隱君子之風及
其晚也拽杖徐行弄孫自娛高卧養性足跡不入
城市蕭然于世味之外不以富貴累其心公之爲
人大節卓卓類如此也而且篤于孝思上念祖宗
春秋祭祀靈爽失憑無由以盡人子之宜昭格之
誠遂於康熙壬午年仲冬月慨然創議遍告宗族

晨夕奔馳歛資前倡建立祠宇肯構肯堂余思創
建之舉思深而意遠任重而責難公乃身任其勞
胼胝不辭破囊不吝非孝子賢孫而能若是乎德
配孺人施氏敬事舅姑親愛妯娌克相夫子戮力
成家明動晦安無日以怠公之孝友兼盡孺人之
慈愛並垂豈不足以庇佑後昆媿休百代耶是爲
之序

景山公傳

閔

越

翁諱廷簡字景山錫元公之少子也爲人志潔行
芳雅懷高尙俯睇貪名嗜利之徒憐之恥之而敦
倫睦族開陳佈公矯然不欺其素余知翁之昆仲
有四其列居幼常委曲愉顏語諸兄曰夫父母者
吾身之本也兄弟者皆本于父母之所生也是以
手足名之同氣稱之安敢妄生鬩墻之變爭利之
心致乖手足之情貽父母有半生莫殫之愁耶育
丈夫子三德配皆名門淑院翁乃惻然慨兩兄之


無後遂命長次二男嗣二兄之宗祧不忍譜系無
傳承先啟後其盡友於之誼爲何如矣至若椿萱
年邁時懷色養柔脆必供昏定晨省無日以怠音
問津津不減寒暑其于送終大事備物備志躋躡
纒麻克盡其禮歲時祭祀每懷涕泣翁之大節亦
可謂無虧矣發言必信執事惟敬存心以厚臨得
不苟與正人交視民不忮能寬能慎是則是倣今
歲冬適逢重修族譜余故謹述翁之素行昭茲來
許書之於紙以示翁之後裔云爾

湯孺人傳

閔越

象翁逝世之日孤踰總角女甫垂髫椿萱齒隕寡
弱一門然氏也原係名門舊族守精純之德執
從一之性惟痛夫創業之艱辛揮泣垂涕慘弱
無成而抱恨感動悲心奉舅姑唯諾承順宛若
女中之愈敬撫兒女時懷愛育竟同高嫗之益
慈百計圖維夙夜不遑自逸勤操紡績何暇膏
沐爲容延師訓子撐立門庭究能子選名門之
配女適世澤之家翁姑沒齒之年克全令終之

托苟非氏之性行貞淑甘心守制焉能若是乎
 余因素聞孺人之節不揣荒陋聊述數語以垂
 諸後云爾



同文中之愈婦無兒丈湖對發育竟同高職之益
 無奴而能知恐懼悲小奉履故却帶承職
 一之世世無夫除業之曠辛既益垂無
 一門然天出恐紛分門善煎台林輪之

余余世世之口所無無或文甫垂澤淋萱齒則莫

許書其人辨示翁之後奇云爾 閱 歎

瑞興公暨湯孺人傳

公諱紹奎字瑞興富鼎公次子幼謹厚髫齡嶄然見頭角人謂呂氏有子矣及長代父理業服田力穡性孝出則犁雨鋤雲入則問安侍膳倘所謂篤於天倫者非耶且公嘗謂人言人貴自立大丈夫不能發奮有爲而奄忽終身與草本同腐甚可嘆也故不辭勞苦服賈牽車沐雨櫛風晨昏暴露險阻艱難備嘗之矣而家業亦隆隆日起有志者事竟成耶是宜享遐齡食厚福含飴弄孫優游暮齒乃不幸未及花甲早

赴玉樓何食報之淺與或曰天道無親常與善人不
在其身必在子孫令嗣桂林敦樸素重然諾有其父
風次嗣映林亦俊慧明辨庭階玉樹滿目琳琅天將
以靳其年者昌其後也而公何憾焉嗚呼世道日移
人心不古當今之世欲求才識之敏達遇事之強幹
與人之篤信立心之忠厚如公者不少概見雖學問
之士有不逮焉其發于天良者卓卓如此公殆今之
古人哉公德配湯孺人性淑慎孝慈恭儉庭無間言
公之遠遊而無內顧之憂者皆賢內助之力故並志

之以示景行

眷姪郡庠生章陞頓首拜撰



五二八
卷八
瑞興公暨湯孺人傳
二
七



孫汝猷 氣小章 潤代 潤首 其 對

一山公祭文

維

同治九年歲次庚午九月丙戌既望越十有四日

壬辰眷弟顧 攷任重光崔書黻陳 江年

愚姪戴元鼎陳榮紹潘家鈺周家楣世愚姪

徐沅瑞朱志汾徐斗文范光國許士熙如胞

姪虞慶瀾卜文煥段紹襄姻眷姪宗陸楨潘

光岳徐 堦崔徵彥小門生周 騏徐景福

世再姪錢鳴珂儲國珍程丕承范 榮范廷

宣蔣履和姻再姪潘祖榮徐錦蓉戴裕源江
文炳甥蔣寶生范循明姪壻吳登子壻崔徵
榜孫壻宗禮容外孫江 春崔友梅等謹以
清酌庶羞之儀致祭於

皇清誥封奉政大夫 例晉朝議大夫鹽運司運同

銜一山呂翁之靈曰維 翁稟生東萊之裔

謙儉傳家忠厚處世富不矯貧貴不怙勢身
歷艱危心存利濟嗚呼哀哉溘焉長逝昔

翁少時家遭中落幼而知書長而耕作獨工

計然不負宿諾什一而贏倉箱不涸甲第連

亘規模日廓始困終亨辛勤手拓

翁之事

親先意養志椿庭抱疴顧而忘恚萱幃不永

早違慈侍未逮生榮終邀

寵賜翁之撫弟教而兼養棣萼秋華荆樹春盎

姜肱友于許負克讓黻佩中年壘篴和唱

翁之齊家天遠遺芳鹿車齊挽鴻案相莊乾

饑無愆井曰勿違隣火待舉口碑載揚翁

之訓子敬以事師服勤勿怠義方夙知鵬搏早

奮燕翼終貽闡棘分校營柳新移歿于

王事

翁之教施

翁之孫曾蘭秀玉茁呼

翁

頷頤撫之繞膝亦有桐枝茹茅叶吉數厥陰

隲弗可勝述彩虹利涉翁爲濟人白鹿聽

講翁敬先民荒政指困惟翁之仁議鋒

解圍惟翁是伸義旗保衛翁奮忘身遺

黎撫恤翁澤平均蠹胥侵漁翁以上陳

鱗册糾紛翁以躬親至老矍鑠歷刼艱屯


古稀健步哀樂傷神何期我翁疾病尋侵

頻年藥裏無術苓藎

鸞章雖晉鶴駕何臨尙父卜獵令威化禽老人星
隕遺愛風欽布奠陳芻翁其來歆嗚呼哀

哉尙

饗



一
 二
 三
 四
 五
 六
 七
 八
 九
 十
 十一
 十二
 十三
 十四
 十五
 十六
 十七
 十八
 十九
 二十
 二十一
 二十二
 二十三
 二十四
 二十五
 二十六
 二十七
 二十八
 二十九
 三十
 三十一
 三十二
 三十三
 三十四
 三十五
 三十六
 三十七
 三十八
 三十九
 四十
 四十一
 四十二
 四十三
 四十四
 四十五
 四十六
 四十七
 四十八
 四十九
 五十
 五十一
 五十二
 五十三
 五十四
 五十五
 五十六
 五十七
 五十八
 五十九
 六十
 六十一
 六十二
 六十三
 六十四
 六十五
 六十六
 六十七
 六十八
 六十九
 七十
 七十一
 七十二
 七十三
 七十四
 七十五
 七十六
 七十七
 七十八
 七十九
 八十
 八十一
 八十二
 八十三
 八十四
 八十五
 八十六
 八十七
 八十八
 八十九
 九十
 九十一
 九十二
 九十三
 九十四
 九十五
 九十六
 九十七
 九十八
 九十九
 一百

一山公邵恭人合傳

公諱宗桂字廣亨號一山父贈奉政大夫瑞興公母
湯太宜人公皆逮事以孝聞幼貧壯而以勤儉起家
貲雄一鄉與弱弟析產無偏私公弟誤聽人言訟公
自厚邑宰廉知業自公創不直公弟公終容納之卒
相好至白首公性好施持大體里常苦潦創築圩岸
涂蓋以石獨建石梁費貲千計他木橋當要衝者稱
是擴魏瀆家廟去村里許建分祠皆公一人出財力
經理蜀山東坡書院矢慎矢公歉歲煮粥或給米使

古以... 卷八... 全清堂

無妨。饑民業平時死無以為葬者給之棺與錢米無
力。嫁娶者周其急。公習以為常人。幾忘其德。公子勗
堂太守以孝廉官於浙。封公如其職。公又以團練
功。晉運同銜。秉姿婞直。人有私曲。不少假借。識見闊
達。幹事精明。一鄉事倚公公。亦毅然自任。故無一日
閒。而人故不可一日無公。邑宰來蒞。茲土必殷勤延
訪。公謹正和厚。知無不言。而未嘗干以私。邑遭荒歉。
民得緩賦。荐饑已議蠲。吏胥蒙隱。復徵宿逋。公昌言
之。立罷人。皆德公公。乃不自以為功。粵逆竄敗。井里



蕭條魚鱗冊籍什無一二公督率清丈蠹書銜公嚴
明暗竄掇公荒田數十畝以爲稔會告災又勒浮費
兩邑宰皆受其愚公年逾七旬挺身率衆籲諸大
憲邑宰以是罷官胥吏受懲創至今畏法而公之心
力瘁矣公先遭喪明之痛又以讀書望其孫迨冢
孫列郡庠公乃輾然曰吾志其少慰也旋患疾數年
而卒德配邵恭人上袁里人也始歸公方貧甚井曰
操作黽勉有無舅贈奉政公以商業家中落得喉痺
症恚怒不常一山公時外出恭人營旨甘承意志贈

奉政公嘗爲之色霽湯太宜人晚病消渴不絕湯飲
恭人必躬必親昕夕無闕俾一山公得成其孝者恭
人之德也一山公延師課子恭人潔治飲饌必求師
所嗜時無僮婢躬自供億極忠且敬旣富子復宦家
政日劇食指數十猶屏當冗雜無晷刻暇善體一山
公志而助之施親弗族黨告匱必應一山公弗之知
知之亦弗問也咸豐十年賊來蹂躪舉家避之笠澤
恭人獨不可曰此何時且何往耶一山公暨兒媳輩
環泣而請恭人怒叱之聲色俱厲麾之去卒死於難

而焚焉。勗堂太守痛哭以狀訴於當道。當道聞之。


朝得旌如例。

論曰：公以赤手致巨富而無所吝於財，世之擁厚貲而褊嗇者，可以愧矣。貴而不驕，富而好予，何恭人之足多也。公少不甚讀書，獨好閱通鑑綱目，間嘗舉敬姜勞逸論以勗其子孫，并爲解說之。庚申之難，以謀捍鄉里，幾陷於賊。忌公者，謗議蠶起而公志嚼然不滓。知公者爲公憤，公弗自辨也。如恭人者，慷慨犯難，甘以身殉，非巾幗中烈丈夫哉。

同治十年歲次辛未陽月

丁卯補行辛酉科舉人卽選教諭姻世姪崔徵

彥拜撰



秋浦公行畧

公諱英字廣裕號秋浦

兆

之叔祖也少祖父一山公

年十七歲自幼失恃祖母邵恭人襁褓之稍長又失

怙祖父延師課讀後望日深乃屢試不售遂入成均

加布政司理問銜越數年家業隆隆買宅於村之河

北析居焉叔祖益自刻苦門楣日起田園亦美與朋

輩聚歡靜室中左右圖書花木森列啜茗酌酒談笑

間時出過人之論曾祖傳所云俊慧明辨者

兆

於此

見之叔祖性好讀書自以不克成名爲憾延師課子忠

且敬卽師解館亦攜一卷以課諸子口講指畫豁如也奈長叔觀海讀書甫有進境遽然謝世次叔玉庭避難後亦相繼而逝惟幼叔小浦孑然獨存力薄事煩心長境短欲成先志而已爲家運所限矣兆猶憶先嚴符仕浙江時叔祖諄諄戒之曰當今仕途皆利途也汝入仕途毋染仕習椒山公云第一功名不愛錢此誠服官之藥石也汝其誌之時兆亦在側因指而言曰汝毋爲子孫謀利尙其爲子孫種德先嚴承

命曾幾何時音容已邈今昔之感爲何如也方粵匪

竄入故宅盡爲灰燼叔祖葺屋數間引爲同居起居
飲食與祖父必偕暮歲壘篋較前尤摯方期昇平復
睹永篤友于詎甫年餘玉樓赴召迄今惓惓想像如
在目前謹爲述

同治歲次辛未孟冬

姪孫兆文謹述

同帝勳大率未盡


亦自補齋復

湖天萬式十期市半給正勢故杯盛合計計

入食與撤爰心計察意繼餘舞前式學式

覽火到字盡欲烈點味所其星妙間何餘同

致和次文



勗堂公傳

士之韜材而不遇者既無經世之志往往瓠落而無所用然苟得交於文人學士亦或取其一節之善片語之長藉以發抒其文章而其人亦得因其文以傳而况才有可用用未竟其才卒賫志以沒者顧至於湮滅而不聞也哉余於吾友呂勗堂不能無感也勗堂少有大志縱橫談笑酣嬉淋漓朋輩往還詩文結契時無勗堂則一坐爲之不樂既試南闈不利北上者再舉咸豐辛亥順天鄉試癸丑粵逆陷金陵予方

館其家間及世故勗堂扼腕太息若欲自見而苦於
無可用志鬱鬱不得伸又數年試禮部報罷乃入貲
以同知分發浙江時徐樹人爲藩司獨心識勗堂謂
勗堂才思有以用之先克戊午鄉試同考官分校得
士最多周騏徐景福皆成進士署温州海防同知時
賊氛竄擾分股窺浙勗堂捐俸出家賞練勇會處州
失守因慷慨請往偕周總戎俞觀察會剿前驅殺賊
盪滌克穢拔署守其地善後事宜無枉無縱解任奉
文回籍偵探賊情兩邑侯知勗堂才力挽之襄辦義


團勗堂謂練勇未足恃即抵郡詣制憲請兵防堵
江浙要衝吾邑繼郡城失守母邵恭人殉難痛泣憤
誓思有以上雪國恥而下報母仇湖郡團防趙公
給之鈐記糾集同志於西川界要截賊鋒餉缺勇少
力竭敗潰知事不可爲則奉其封翁渡江復於靖邑
籌辦七邑團練設間偵諜往來南北無間寒暑盡瘁
積勞歿於國事言不及私惜哉方勗堂壯盛時與
余輩論文結社興致勃發旁若無人旣而樂數晨夕
與之上下古今議論時事則又感慨歔歔激昂自許

余固知勗堂之志而有以信其才之可用也洎乎一
麾出守于役戎行錯節盤根艱難險阻使天假之年
其展布正未有艾後之文人學士必將取其事而張
大之而奚特榦材瓠落者之不足與比也哉乃身抱
其材用而不盡其用則勗堂之志其可悲也已其子
兆文適以作傳請余辱交深而知之也悉義不可辭
因敘其崖畧而表之而惜乎余之文不足以傳勗堂
也


同治十年歲次辛未陽月

丁卯補行辛酉科舉人卽選教諭姻世弟崔徵

彥拜撰




三
企
...



領譜字號

橫經頁末弗替家聲植本崇基遙繩祖武

右十六字給譜編號以便查檢



楊字號

學成領

經字號

廷植領

頁字號

森泰領

未字號

洪奎領

弗字號

銘如領

替字號

信珍領

家字號

盤慶領

聲字號

爾昌領

植字號

自發領

本字號

金盛領

崇字號

文偉領

基字號

望榮領

通字號

珍祿領

繩字號

祖字號

廷棟領

武字號

草譜

光啟領

同治歲次辛未孟冬

